

FAAFIN



RASMIGA AH

الرسمية

الجريدة

JAMHUURIYADDA DIMOQRAADIGA SOOMAALIYA

لجمهورية الصومال الديمقراطية

Sannadka 8aad Muqdisho, 1 Nofember 1980 L. 11

FAAFINTA BIL SOO BAXA

جريدة شهوية

Laanta Faafinta Rasmiga ah ee Madaxtooyada J.D.S.

QIIMAH : waa 5 shilin Inimbar walba RUKUNKA : Sanalkii waa Sh. 100 Soomaaliya gudhaheeda — djibedana waa Sh. So, 300, Rukunka la weydiisto waqtiga loo gooyey wuxuu ka bilaabmaa 1 Janaayo Qiimaha qorotaanka F. R, halkii sadar iyo waxii ka ya'i wàà 2 laba Sh. — Rukunka iyo qorjataanku waxaa la weeydiistaa Laanta Maamulkà Fààfintà Rasmiga ah — Lacagta waxaa lagu bixinayaa Xafiiska Canshuurahà ee Wàssàràddà Lacagta.

KOOBNIIN

QAYBTA

SHARCI

KOOWAAD

QAYBTA

LABAAD

SHARCI L. 28 ee 19 Sebt. 1980, Qaybinta Bogga 1096
Filiimada.

SHARCI L. 29 ee 1 Okt. 1980, Mideynata
Rugta Ganacsiga iyo Guddiga Iibka
Qaranka.

QAYBTA LABAAD
X E E R

XEER MADAXWEYNAHA JDS : L. 98 > 1106
24 ee Sebt. 1980, Mideynata Wakaalada-
ha Hargaha iyo Saamaha, Warshada-
ha Hargaha

XEER MADAXWEYNAHA JDS : L. 99 > 1107
ee 24 Sebt. 1980, Go'aan lagu gaaray
magaalooyinka hoos ku qoran.

XEER MADAXWEYNAHA JDS : L. 100 > 1108

- XEER MADAXWEYNAHA JDS : L. 101 » 1109
ee 6 Okt. 1980, Abuuris Xafiis.
- XEER MADAXWEYNAHA JDS : L. 102 » 1110
ee 1 Nof. 1980, Baabi'in Xafiis. Agaa-
sinka Guud ee Danaha Soomaaliyeed
- WASAARADDA MAALIYADDA : L. 103 » 1112
ee Sebt. 1980, Taar/da ay ka bilaab-
meyso dhaqangalka lacagta Xaashida
100, 20 iyo 10, ee cusub.
- XEER WASAARADDA H. G. : L. 104 ee 4 » 1113
Maarso 1980, Cad dhul Dawladeed oo
ku yaal Degmada Shibus oo loo oggo-
laaday dhismahiisa J.le Maxamuud
Yuusuf Aadan (Muuro).
- XEER WASAARADDA H. G. : L. 105 ee 10 » 1116
Maarso 1980, Siismo dhul Dawladeed,
la siiyey Mashruuca Gosha iyo Gen-
diga ee Was. X. Dhirta iyo Daaqa
- XEER WASAARADDA H. G. : L. 106 ee 24 » 1118
Juun 1980, Siismo dhul Dawladeed,
la siiyey Taliska Ciidanka Asluubta
Soomaaliyeed kuna yaal Muqdisho
Degmada Kaaraan kuna fadhiya mq.
520.000.
- XEER WASAARADDA H. G. : L. 107 ee 24 » 1120
Juun 1980, Siismo dhul Dawladeed, la
siiyey Xaruunta Taliska Ciidanka As-
luubta Soomaaliyeed kuna yaal Muq-
disho, Degmada Madiina kuna fadhiya
mq. 1566.062,50
- XEER WASAARADDA H. G. : L. 108 ee 24 » 1122
Juun 1980, Siismo dhul Dawladeed, la
siiyey Isbitaalka Ciidanka Asluubta
Soomaaliyeed, kuna yaal Muqdisho
Degmada Madiina, kuna fadhiya mq.
115.593,50.

QAYBTA KOWAAD

SHARCI

SHARCI L. 28 ee 19 Sebtembar 1980, Qaybinta Fili-mada.

MADAXWEYNAHA J.D.S.

ISAGOO ARKAY: Dastuurka Jamhuuriyadda Dimu-qraadiga Soomaaliya;

ISAGOO TIXGELINAAYA: Oggolaanshaha Guddiga Joogtada ah ee Golaha Shacbiga;

WUXUU SOO SAARAYAA

Sharciga soo socda:

Qodobka laad

Fili mada

1. Wakaaladda Filimada Soomaaliyeed waxay filimada u qaybinaysaa Shineemooyinka dalka JDS iyadoo hunaysa;

- a) Daryeelka, Faafimaadka iyo Raaxada Dadweynaha gala Shineemooyinka;
- b) Ilaalinta dhaqaalaha Wakaaladda iyo Xannaanada Filimada.

2. Hirgelinta ujeeddooyinka ku xusan qodobkan waxaa iska kaashanaaya. Wakaaladda iyó dhammaan Hay'adaha Dawladda ee u qaybsan ururinta dakhliga Dawladda.

3. Maamulk Shineemada waxaa waajib ku ah inuu ciddii ay Hay'adahaasi u "xilsaaraan kormeerkha

dakhliga u fududeeyo gudashada waajibaadkooda.

4. Kormeeruhu waa inuu ka sitaa Hay'addiisa idan qoraal ah.

Qodobka 2aad

Qaybinta Dakhliga Shineemada

1. Dakhliga guud ee Shineemada waxaa loo qaybinayaa sida soo socota:

| | |
|---|-----|
| — Canshuurta Dawladda Dhexe | 25% |
| — Canshuurta Dawladda Hoose | 5% |
| — Ijaarka Filimada iyo Khidmadda Wakaaladda | 40% |
| — Qofka Shineemada leh | 30% |

2. Wasaaradda Maaliyaddu waxay canshuurta ka soo gashaa Filimada gebi ahaan ku wareejinaysaa Wakaaladda Filimada Soomaaliyeed si ay horumar ugu sameyso.

Qodobka 3aad

Ilaalinta Dakhliga

1. Si loo ilaaliyo dakhliga, wax aawaajib ku ah Shineemada inay sameyso tikidhyo leh lamburro taxan iyo midabbo kala duwan lana xiriira inta fadhi ee Shineemadu ay leedahay.

2. Tikidhyada lagu galu Shineernada waa inay hore looga soo dalooliyo Xafiiska Dawladda ee u xilsaran arrintan.

3. Maamulka Shineemada waxaa waajib ku ah inuu haysto diiwaan lagu qoro lambarrada boldarooga iyo waqtiga la isticmaalay.

4. Inta aan lacag qabashada la bilaabin, maamulka Shineemadu waa inuu ku qoro boldarooga iyo diiwaanka boldarooga lambarrada tikidhyadu ka bilaabmaan; marka iibinta tikidhyadu joogsatana waa inuu ku qoraa lambarrada ugu dambeeyey ee iibsamay.

5. Diiwaanka iyo boldarooga iyo warqadahá la xiiriira lacag bixinta waa in Shineemadu hayso laba sano, laga bilaabo waqtigii isticmaalkooda joogsaday.

Qodobka 4aad

Tikidhyada Shineemada

1. Qofka Shineemada gelayaa waa inuu wato tikidh, ilaaliyaha irridha Shineemaduna waa inuu tikidhkaas labo gobol u kala jeexaa, gabal waa in la siyo qofka daawadaha ah, gabalka kalena waa in lagu rido sanduuq quful leh.

2. Sanduuqa waa in la madhiyo mar kasta oo la bilaabayu iibinta tikhidhyada. Furaha qufulka waa inuu haysto maamulka Shineemadu, haddiise ay u baahdaan, Hay'adaha kormeerka dakhliga way haysan karaan furaha sanduuqa sabab baaris darteed.

Qodobka 5aad

Waajibka Daawadaha

1. Daawadaha waxaa waajib ku ah inuu haysto jeexa tikidhka uu ku galay Shineemada ilaa uu ka baxayo Shineemada.

2. Qofkii kormeerkoo ka waayo jeexa tikidhka wuxuu bixinaya mar labaad qiimaha tikidhka.

3. Waajibaadka ku xusan qaybahá hore ee qodobkan iyo qiimaha tikidhyadaba waa in lagu muujiyaa ogeysiis ku qoran far waaweyn oo lagu dhejiyo iridda lagu galo Shineemada.

Qodobka 6aad

Kormeer

1. Si loo ilaaliyo dakhliga Shineemooyinka, Wakaaladda waxay awood buuxda u leedahay inay baaris iyo kormeerba ku sameyso maamulka Shineemada.

2. Muddada baarista iyo kormeerka waxay ka qayb qaadan kartaa Wakaaladdu diiwaangelinta boldarooga lacag-qabashada iyo jeexidda tikidhyada.

Qodobka 7aad

Xadgudub

1. Iyadoo ay sidoodii u taagnaanayaan qodobada 20 iyo 21 ee Sharciga L. 23, soona baxay 21 Disember 1965, Shineemadii caaddeysata laguna caddeeyo maamul-xumo lagu dhaawacayo daryeelka dadweynaha, dhaqaalahaa Wakaaladda iyo xannaanada Filimada; waxaa la ganaaxi karaa min Shs. 500 ilaa Shs. 10.000; gnaaxa ka sokow waxaa laga joojin karaa siinta Filinka muddo aan ka badneyn hal bil.

2. Xad-gudubyada keeni kara ganaaxa waxaa weeye:

- a) haddii Shineemadu gacan buuxda siin weydo kormeerka ku xusan qod. laad ee Sharcigan;
- b) haddii Shineemadu waqtii habboon ku keeni weydo lacagta Wakaaladda, boldarooga, Filimada iyadoo aysan jirin sabab macquul ah;
- t) haddii Shineemadu u hoggaansami weydo awaa-miirta idaariga ah ee la xiriirta daryeelka (maqalka wacan, saxada, raaxada) dadweynaha daawadā filimada iyo ilaalinta dakhliga;
- j) haddii la dhejiyo filin aan habeenkaas socon si dadka loo soo jiito.

- x) haddii la xaqijiyo in tirada tikidhyada la gaday ka yar yihiin tirada dadka ku jira Shineemada;
 - kh) haddii kormeerku qabto tikidh aan ninka iridda joogaa ogaal u jeexin ama dad aan tikidhyo iibsan ay Shineemada galeen sharci la'aan;
3. Ganaaxa ku xusan faqradda 1aad ee qodobkan, waxaa cabasho looga qaadan karaa Wasiirka Wasaaradda Warfaafinta iyo Hannuuninta Dadweynaha.
4. Xad-gudubka ku xusan qodobkan waxaa go'aan ka gaara guddi oo uu magacaabo Wasiirka Wasaaradda Warfaafinta iyo Hannuuninta Dadweynaha kana kooban Wakaaladda Filimada Soomaaliyeed, Dawladda Hoose iyo Xafiiska Canshuuraha.

Qodobka 8aad

D a r y e e l k a

- 1. Wakaaladdu waxay awood u leedahay inay baaris farsamo ku sameyso qalabka filin-tusidda si ay u hubsato raaxada dadweynaha iyo badbaadada filimada.
- 2. Haddii ay caddaato in qalabka filin-tusidda ee Shineemadu uusan si wacan u shaqeynayn, Wakaaladdu waxay amri kartaa maamulka Shineemadu inuu qalabka xumaaday si deg-deg ah usameeyo ama uu u beddelo.

Qodobka 9aad

Lumidda iyo dhaawaca Filimada

- 1. Haddii ay caddaato in Shineemo lumiso ama dhaawacdo filinkii ama tusmaddii, waxaa xaq loogu leeyahay inay bixiso qaandhow;
- 2. Qiimaha qaandhowga waxaa lagu caddeynaa-

yaa heshiis dhexmaraaya Wakaaladda iyo Shirkadda Filinka iska leh.

3. Haddii ay dhacdo in Shineemo lumiso ama jeexjeexdo warqadaha xayaysiiska filinka, waxay Wakaaladdu xaq ugu leedahay iny qaandhow ka qaadato Shineemadaas;

4. Qiimaha qaandhowga waxaa lagu caddeynayaah heshiis dhexmaraaya Wakaaladda iyo maamulka Shineemadaa.

Qodobka 10aad

Kireynta Shineemada

Shineemadii xiranta kaddib markii uu kireystuhu ama mulkiiluhu wadi waayo ama uu mulkiiluhu doonaayo inuu ka beddelo ujeeddadii awel loogu talogalay maaweelinta dadaweynaha, Wakaaladdu waxay kireysan kartaa, si ay u daryeesho danta dadweynaha, haddii Wakaaladda iyo Madaxda Degmadu u arkaan in bulshadu u baahan tahay maaweeelada Shineemadaas.

Qodobka 11aad

Qiimaha tikidhka

1. Qiimaha gelidda Shineemooyinka waxaa lagu xaddidayaa dekreetada Wasiirka Wasaaradda Warfaafinta iyo Hannuuninta Dadweynha, isagoo la tashanaaya Wasiirka Wasaaradda Maaliyadda.

2. Qiimaha tikidhyada Filinka waa in la tixgeliyaa qimo u gaar ah carruurta.

3. Haddii loo baahdo in Wakaaladdu keento Filinheer caalami ah oo qiime badan lagu soo ijaaray, Wakaaladdu waxay u goyn kartaa sicir gaar ah.

Qodobka 12aad

Guddiga Baarista

1. Shineemada lacag la'aan waxaa ku geli kara xubno loo xulay oo ka tirsan Guddiga Baarista Filimada (Censura);
2. Waxaa kaloo geli kara Kormeerayaasha ku xusan Qod. laad ee sharcigan iyo saraakiisha lacag qabashada iyo xubnaha Booliska canshuuraha ama cidda ka wakiil ah, waxayna ku galayaan sida iyo habka ku cad sharciga lambar 23 ee 21kii Disember 1965.

Qodobka 13aad

B u r i n

Waxaa la buriyey sharciga lambar 23 ee 21kii Disember 1965 qodobdiisa ka soo horjeeda shacigan, iyo sharci kasta oo lid ku ah ama aan la socon karin.

Sharcigan waxaa lagu soo saari doonaa Faafinta Rasmiga ah ee Dawladda, wuxuuna dhaqan galayaa marka uu Madaxweynuhu saxeexo.

Muqdisho, 19/9/1980.

Madaxweynaha J.D.S.

S/Gaas Maxamed Siyaad Barre

XEER SHARCI Lambar 29 ee 1 Oktoobar 1980.

Mideynta Rugta Ganacsiga iyo Guddiga Iibka Qaranka.

MADAXWEYNAHA J.D.S.

MARKUU ARKAY: Qod. 69aad ee Dastuurka;

MARKUU ARKAY: Sharciga lambar 19 ee 10ka Abriile 1978, kuna saabsan dhismaha Guddiga Iibka Qaranka iyo beddelaaddii ka dambeysay;

MARKUU ARKAY: Sharciga lambar 38 ee 30ka Luulyo 1970 oo ku saabsan dhismaha Rugta Ganacsiga;

MARKUU TIXGELIYEY: Xawliga ay ku socdaan hawlaha Qaranku, lana dareemay in ay lagama maarmaan tahay in la dejiyo hab fududeynaya dalabka badeecadda iyo qalabka Hay'adaha Qaranku u baa-han yihin;

MARKUU ARKAY: In fududeyntaasu ay ku iman karto mideynta hawlaha Guddiga Iibka Qaranka iyo Rugta Ganacsiga oo ka wada mas'uul ahaa suuq raa-dinta, hubinta sicirka, kormeerka qalabka iyo badeecadaha Hay'adaha Qaranku ay iibsadaan;

MARKUU TIXGELIYEY: Baahida culus ee deg-degga ah ee loo qabo in lagu dhaqaaqo dib u habeyntaas, lana soo saaro Xeer-sharci si hawlaha Maamulka Guud ee Dalka ayan u hakan;

MARKUU DHEGEYSTAY: Soojeedinta Wasiirka Ganacsiga iyo Golaha Wasiirrada;

WUXUU SOO SAARAYAA

Xeerka-sharci ee soo socda:

Qodobka 1aad

Waxaa la mideeyey Rugta Ganacsiga iyo Guddiga

Iibka Qaranka oo lagu dhisay Sharci lambar 19 ee 10ka Abriile 1978, waxayna qaadanayaan magaca Wakaaladda Rugta Ganacsiga.

Qodobka 2aad

Wakaaladda Rugta Ganacsigu waxay qandaraas-yada iyo Iibka Qaranka ku yeelaneysaa awoodihii Guddiga Iibka Qaranka ee ku xusnaa Sharciga lambar 19 ee 10ka Abriile 1978 iyo Sharciga lambar 2 ee 14ka Jenuuayo 1979, waxayna ku maamuleysaa hababka Sharciyadaas ku tilmaaman.

Qodobka 3aad

Wakaaladda Rugta Ganacsigu waxay la wareegey-saa xilalkii iyo ballanqaadyadii Guddiga Iibka Qaranku uu galay, waxayna yeelaneysa xuquuqdii Guddiga hore ugu bislaaday iyo kuwa dib ka bislaanaya.

Qodobka 4aad

Wasiirka Wasaaradda Ganacsigu wuxuu Wakaaladda Rugta Ganacsiga ku yeelanayaa awood hoggaamin, toosin, kormeer iyo ilaalin guud oo buuxda.

Qodobka 5aad

Madaxweynaha Jamhuuriyadda Dimoqraraadiga Soomaaliya, isagoo dhegeystay soojeedinta Wasiirka Wasaaradda Ganacsiga iyo la tashiga Wasiirka Wasaaradda Maaliyadda, wuxuu soo saarayaa Xeer ni-daaminaya qandaraasyada iyo iibka Qaranka.

Qodobka 6aad

Waxaa la burriyey Sharci iyo Xeer kasta oo aan la socon karin Xeerkhan sharci.

— 1105 —

Qodobka 7aad

Xeerkan-sharci wuxuu dhaqan gelayaa laga bilaabo 1da Oktoobar 1980, waxaa lagu soo saarayaa Fafinta Rasmiga ah ee Jamhuuriyadda, isla markaana waxaa loo gudbinayaa Golaha Shacbiga sida uu qabo Qod. 69aad ee Dastuurka.

Muqdisho, 1 Oktoobar 1980.

MADAXWEYNAHA JDS

S/Gaas Maxamed Siyaad Barre

XEER MADAXWEYNAHA JDS, L. 98 ee 24 Sebt. 1980.

Mideeynta Wakaaladaha Hargaha iyo Saamaha,
Warshadaha Hargaha.

MADAWXEYNAHA JDS

ISAGOO ARKAY: Qod. 82aad xubintiisa 14aad ee
Dastuurka JDS;

ISAGOO ARKAY: Go'aankii Golaha Wasiirrada
ee 13.9.80 kuna saabsanaa Mideeynta Wakaaladda Har-
gaha iyo Saamaha, Warshadda Hargaha ee Burco,
Warshadda Hargaha ee Hargeysa, Warshadda Harga-
ha iyo Kabaha ee Kismaayo iyo Warshadda Hargaha
iyo Kabaha ee Km. 7 ee Muqdisho.

WUXUU SOO SAARAYAA

Xeerka soo socda:

Qodobka 1aad

Waxaa la Mideeyey Wakaaladda Hargaha iyo Saa-
maha, Warshadda Hargaha ee Burco, Warshadda Har-
gaha ee Hargeysa, Warshadda Hargaha iyo Kabaha ee
Kismaayo iyo Warshadda Hargaha iyo Kabaha Km. 7
ee Muqdisho, isla markaasna ay noqon doonaan Hay'ad
hoos timaadda Wasaaradda Warshadaha.

Qodobka 2aad

Xeerkani wuxuu dhaqan geli doonaa marka uu sa-
xiixo Madaxweynaha Jamhuuriyadda Dimoqraadiga
Soomaaliya, waxaan lagu soo saari doonaa Faafinta
rasmiga ah ee Dawladda.

Muqdisho, 24 Setembre 1980.

MADAXWEYNAHA JDS

S/Gaas Maxamed Siyaad Barre

XEER MADAXWEYNAHA JDS, L. 99 ee 24 Sebt. 1980.

Waxaan go'aan lagu gaaray in magaaloooyinka hoos ku oran lagu wareejiyo W.X.K.U.

MADAXWEYNAHA JDS

ISAGOO ARKAY: Qod. 82aad xubintiisa 14aad ee Dastuurka JDS;

ISAGOO ARKAY: Go'aankii Golaha Wasiirada ee 15.9.80 ahaana in korontada magaaloooyinka Hargeysa, Kismaayo, Burco, Baydhabo, Berbera, iyo Merka, lagu wareejiyo W. Xoogga Korontada Ummadda.

WUXUU SOO SAARAYAA

Xeerka soo socda:

Qodobka 1aad

Waxaa go'aan lagu gaaray in magaaloooyinka Hargeysa, Kismaayo, Burco, Baydhabo, Berbera iyo Merka, hadda iyo wixii ka dambeeyaa lagu wareejiyo Wakaaladda Xoogga Korontd Ummadda.

Qodobka 2aad

Xeerkan wuxuu dhaqan gelayaan marka uu soo saaxixo Madaxweynaha Jamhuuriyadda Dimoqraadiga Soomaaliya, waxaana lagu soo saari doonaa Faafinta Rasmiga ah ee Dawladda.

Muqdisho, 24 Sebt. 1980.

MADAXWEYNAHA JDS

XEER MADAXWEYNAHA JDS, L. 100 ee 26 Luul. 1980
Dallacaad.

MADAXWEYNAHA JDS

ISAGOO ARKAY: Dastuurka JDS Qod. 82aad;

ISAGOO ARKAY: Sharciga lambar 2 ee 23.12.72 oo ku saabsan dhismaha Ciidanka Boliiska Soomaaliyeed;

ISAGOO TIXGELIYEEY: Talada uu soo jeediyey Taliyaha Ciidanka Boliiska Soomaaliyeed ee ku qornayd xaashida lambar XOG/A/8/1 ee 26.7.1980;

ISAGOO TIXGELIYEEY: Talada Wasiirka Gaa-shaandhigga ee ku qornayd xaashida lamb. WWG/Q26/1371 80 ee 11.7.1980.

WUXUU XEERAY

Qodobka 1aad

Sargaalka iyo Kormeeraha hoos ku qoran oo ka tirsan Ciidanka Boliiska Soomaaliyeed waxa-loo dal lacsiiyey derejada ninwalba magaciisa ku hor qoran laga bilaabo taariikhda ninkasta ku hor qoran:

- 1) L/Xiddigle Gaanni Maxamed X.Cabdi Dhamme 1.7.80.
- 2) K/S.5255 Xasan Sh. Cabdi Cumar Xi'le 16.7.80.

Qodobka 2aad

Xaarkan degdeg buu u dhaqan gelaya, waxaana lagu soo saari doonaa Faafinta Rasmiga ah ee Daw-ladda kaddib karka uu saxeexo Madaxweynaha JDS.

Muqdisho, 26.7.1980.

XEER MADAXWEYNAHA JDS, L. 101 ee 6 Okt. 1980
Abuuris Xafiis.

MADAXWEYNAHA JDS

ISAGOO ARKAY: Qodobka 82aad xubintiisa 14
aad ee Dastuurka JDS.

ISAGOO ARKAY: Xeerka Lambarkiisu yahay 47
ee 15.7.79, kuna soobsan habka aqoonsiga Qoxootini-
mada.

ISAGOO ARKAY: Go'aankii Golaha Wasiirrada
ee 18.9.80 kuna saabsan Abuuris Xafiis hoos imaanaya
Guddiga sare ee Qaxootiga Qanarka.

WUXUU SOO SAARAYAA

Xeerka soo socda:

Qodobka 1aad

Waxaa la abuuray Xafiis hoos imaanaya Guddiga-
sare ee Qaxootiga Qaranka. Xafiiskaṣ waxaa haw-
shiisu noqon doontaa abaabulka ururinta tirakoobka
iyo iskuduwidha qoraalka arrimaha Qaxootiga Soomaaliyed;

Waxaa kaloo Xafiisku qaban doonaa wixii hawl ah
oo la xiriira arrimaha Qaxootiga Qaranka oo Guddiga
sare u xilsaaro.

Qodobka 2aad

Xxrkani wuxuu dhaqan geli doonaa marka uu soo
saxiixo Madaxweynaha Jamhuuriyadda Dimoqraadiga
Soomaaliya, waxaana lagu soo saari doonaa Faafinta
Rasmiga ah ee Dawladda.

Muqdisho, 6 Okt. 1980.

XEER MADAXWEYNAHA JDS, L. 102 ee 1 Nof. 1980.
Baabi'in Xaf. Agaasinka Guud ee Danaha Soomaaliyeed:

MADAXWEYNAHA JDS

ISAGOO ARKAY: Qod. 82aad xubintiisa 14aad ee
Dastuurka JDS.

ISAGOO ARKAY: Xeerarka lambarradoodu kala yihiin 14.6.1964 iyo 237 ee 31.8.64 kuna saabsan Xafiiska Danaha Soomaaliyeed.

ISAGOO ARKAY: Go'aankii Golaha Wasiirrada ee ku taariikhaysnaa 18.9.1980.

WUXUU SOO SAARAYAA

Xeerka soo socda:

Qodobka 1aad

1. Waxaa la baabi'iyey Xafiiskii Agaasinka Guud ee Danaha Soomaaliyeed.

Qodobka 2aad

Shaqaalaha ka tirsan Xafiiskaan la baabi'iyey waa inay Wasaaradda Shaqada iyo Arrimaha Bulshadu u kala bedesho Hay'adaha u baahan.

Qodobka 3aad

Waa in wax allaale iyo wixii qoraallo ah (Documenty) ee Xafiiska yaalla lagu wareejiyo Wasaaradda Arrimaha Dibedda, halkaas oo laga abuuri doono waax qaabilsan Arrimaha Dalalka Soomaaliyeed ee la gumaysto.

— 1111 —

Qodobka 4aad

Xeerkani wuxuu dhaqan geli doonaa marka uu sa-xixo Madaxweynaha Jamhuuriyadda Dimoqraadiga Soomaaliya, waxaana lagu soo saari doonaa Faafinta Rasmiga ah ee Dawladda.

Muqdisho, 1 Nof. 1980.

MADAXWEYNAHA JDS
S/Gaas Maxamed Siyaad Barre

— XEER W. MAALIYADDA L. 103 ee 30 Sebt. 1980.
Taariikhda ay ka billaabmeyso dhaqangalka La-
cagta Xaashida 100, 20, iyo 10 ee cusub.

WASIIRKA W. MAALIYADDA

MARKUU ARKAY: Qodobka 4 ee Xeerka 6da
Maarso 1961 oo loo bedelay Sharciga 23ka Maarso 1961
Lr. 13 kuna saabsan nidaamka Lacagta Soomaaliyeed;

MARKUU ARKAY: Qodobka 4 ee Sharciga 5ta
Juunyo 1962, Lr.2 kuna saabsan nidaamka samaynta
soosaaridda iyo wareeg-gelinta xaashida iyo tan cada-
diga ee Shilin Soomaaliga ah;

MARKUU ARKAY: Xeerka Madaxweynaha Jam-
huuriyadda Dimoqraadiga Soomaaliya Lr. 25 ee 5 Ab-
riile 1980ka;

ISAGOO TIXGELIYEEY: In lacagta kaydka ee
100, 20 iyo 10 ay aad u hoosaysو;

ISAGOO GARTAY: Baahida loo qabo in la gooyo
taariikhda ya dhaqan galayso lacagtaasi;

Ayada uu soo jeediyey Bankiga Dhexe ee Soo-
maaliyeed.

WUXUU SOO SAARAYAA

Qodobka 1aad

Lacagta xaashida cusub ee 100, 20 iyo 10 Shilin
Soomaali oo tilmaamaheeda iyo sumimadaheeda Farsa-
mo lagu carrifay Xeerka Madaxweynaha Jamhuuri-
yadda Dimoqraadiga Soomaaliya Lr. 52 ee 5 Abriile
1980, waxay ka dhaqan gelaysaa kana soconaysaa
dalka Jamhuuriyadda Dimoqraadiga ee Soomaaliya oo
dhan laga bilaabo 10.10.1980.

Xeerkani wuxuu Bankiga Dhexe ee Soomaaliya
u oggolaanaya inuu lacagta uu wareeg geliyo laga
bilaabo taariikhda 10ka Oktoobar 1980.

Wasiirka W. Maaliyadda

Muqdisho, 30.9.1980.

XEER W. HAWLAHA GUUD L. 104 ee 4 Maars 1980.

Cad dhul Dawladeed oo ku yaal Degmada Shibis, oo loo oggolaaday dhismihiisa Jaalle Maxamuud Yuusuf Aaden (Muuro):

WASIIRKA WASAARADDA H. GUUD

Waaxda Sahanka iyo Degaanka Magaaleynta

ISAGOO ARKAY: Dastuurka Jamhuuriyadda Dimoqraadiga Soomaaliya;

ISAGOO ARKAY: Sharciyada lambarradoodu yihiin 17,18,19 ee 1da Luulyo 1976, kuna saabsanaayeen Xukunka Dalka oo la wareegay Xisbiga Hantiwadaaggaa Kacaanka Soomaaliyeed;

ISAGOO ARKAY: Sharciga lambarkiisu yahay 41 soona baxay 13kii Settembre 1973 oo ku saabsan oggolaanshaha dhulka dhismaha ;

ISAGOO ARKAY: Xeer lamb. 115 soona baxday 13kii Sebtember 1973 oo ku saabsan oggolaanshaha dhulka dhismaha;

ISAGOO ARKAY: Arjigii codsiga ahay uu keen-saday Maxamuud Yuusuf Aaden (Muuro) taariikhdu markay ahayd 5 Oktoobar 1957 kuna weydiistay dhismo, cad dhul Dawladeed oo ku yaal Muqdisho — Degmada Shibis — jidka Benaadir;

ISAGOO AQOONSAN: Caddeynta dhulka, kuna saabsan cad dhul Dawladeed ah ee uu weydiistay Jaallahaas ogeysiis ahaana loogu Faafiyey Dawladda Hoosé ee Xamar, laguna qoray; Faafinta Rasmiga ah ee Dawladda, iyadoo aan cidna hor istaagin;

ISAGOO ARKAY: Naqshadda lambiisu yahay 10810, kuna saabsan dhismo dhagaxeed oo horay u

aqoonsadeen Guddiga Dhismaha oo Dawladda Hoose ee Muqdisho — fadhiboodi 227aad taariikhdeeduna ahayd 22 Sebtember 1958;

ISAGOO ARKAY: Naqshadda lamb. 8126 taas oo beddeshay middii hore oo lambarkeedu ahaa 10810 laguna aqoonsaday fadhibii 271aad ee Guddiga dhismaha ee Dawladda Hoose ee Muqdisho — taariikhdeeduna markay ahayd 10 Juunyo 1961, kuna saabsan dhismo guri;

ISAGOO ARKAY: Bolleettada lamb. yahay 299 ee 24 Juunyo 1958, kuna soo baxday Xafiiska Can-shurta Dadban, taas oo caddeyneysa in Maxamuud Yusuuf Aaden (Muuro) uu bixiyey lacag dhan Sh. So. 500, kuna saabsan qiiimaha dhulka oo dhismaha loo siiyey;

ISAGOO AQOONSAN: Dhulka la weydiistay oo ku fadhiya mq. 1.000, tilmaan cadna laga siiyey Maxamuud Yuusuf Aaden (Muuro) sida ku cad xaashida ay qortay Waaxda Farsamada Dhulka taariikhdeeduna ahayd 9.7.1958;

ISAGOO ARKAY: Xaqiijintii Farsamada Sah. Axmed Khaliif Xanaf, kana tirsan Waaxda Qorshaha iyo tabaabarrada ee W.H.G. taariikhdeeduna ahayd 20.1.1980 taas oo caddeyneysa in naqshadda dhismaha ee ay oggolaadeen Dawladda Hoose ee Xamar lamb. yahay 8126 taariikhdeeduna ahayd 10 Juunyo 1961, laguna xaqiijiyeey sida ay naqshadda Guriga waafaqsan tahay — kuna fadhiya mq. 1.000;

ISAGOO ARKAY: Oggolaanshaha (Nulla Osta) degsiimada guriga oo ku yaal Degmada Shibis laguna siiyey xaashida lamb. 13506 taariikhdeeduna ahayd 20 Dic. 1962, oo ka soo baxday Dawladda Hoose ee Xamar (Xafiiska Farsamada dhulka);

ISAGOO TIXGELIYEY: In wax allaale wixii xeer ahaa oo ku saabsan siismada iyo gacan u gelinta dhul-

— 1115 —

ka Dawladda (Concessione e conseguente libera disponibilità) oo ay ujeeddadiisu ahayd dhis, cad dhul Dawladeed lagamia maarmaan tahay in xuquuqda Sharciga ahaa loo aqoonsado Jaallaha magaciisa oo ku qoran:

WUXUU XEERAYAA

Waxaa cad dhul Dawladeed la siiyey, gacantana loo geliyey, loona aqoonsaday Maxamuud Yuusuf Aaden (Muuro), (Decreto di concessione e conseguente libera disponibilità) dhulkaasi oo ku fadhiya mq. 1.000 kuna yaal Muqdisho — Degmada Shibis.

Muqdisho, 4 Maars 1980.

Wasiirka W. Hawlaha Guud

S/Guuto Maxamuud Nuur Galaal

Waan Aragnay oo Diiwaangelinay
Diiwanka lamb. 1 bogga lamb. 6
Muqdisho, 12 Maars 1980.
Hantidhawraha Guud KMG
Yuusuf Cali Nuur

XEER W. HAWLAHA GUUD, L. 105 ee 10 Maars 1980.
Siismo dhul Dawladeed, la siiyey Mashruuca Go-
sha iyo Gendiga ee Wasaaradda Xoolaha Dhirta
iyo Daaqa.

WASIIRKA WASAARADDA H. GUUD

Waaxda Sahanka iyo Degaanka Magaaleyn ta

WASIIRKA

ISAGOO ARKAY: Dastuurka Jamhuuriyadda Di-
moqraadiga Soomaaliya;

ISAGOO ARKAY: Sharciyada lamb. yihiin 17,
18, 19 ee 1da Luuliyo 1976, kuna saabsanayeen Xukun-
ka Dalka oo la wareegay Xisbiga Hantiwadaagga Ka-
caanka Soomaaliyeed;

ISAGOO ARKAY: Sharciga lamb. 41 soona bax-
day 13kii Sebtember 1973 oo ku saabsan oggolaansha-
ha dhulka dhismaha;

ISAGOO ARKAY: Xeer lamb. 6 soona baxday 9
Jennaayo 1967 oo la xiriira qimaha dhul bixinta;

ISAGOO ARKAY: Warqadda lamb. yahay WXD/
9/24/617/80 taariikhdeeduna ahayd 9.2.1980 ee ay soo
qortay Wasaaradda Xoolaha, Dhirta iyo Daaqa oo ay
ku weydiisaneyso in la siiyo dhul laga dhiso Xarun
weyn ee Mashruuca Gosha iyo Gendiga;

ISAGOO ARKAY: Warqadda Hubsimada dhulka
soo sameeyeen Sah. Abuukar Maxamed Sheekh iyo
Xaaji Maxamed Maye ka tirsan Waaxda Sahanka iyo
Deg. Magaaleyn ta ee Wasaaradda Hawlaha Guud —
taariikhdeeduna ahayd 19.2.1980;

WUXUU XEERAYAA

Waxaa la caddeynayaa in la siiyey Wasaaradda
Xoolaha, Dhirta iyo Daaqa — Mashruuca Gosha iyo
Gendiga — dhul Dawladeed ee cabbirkiisu yahay
600 × 900 kuna fadhiya mq. 540.000, kuna yaal Muq-
disho Km. 8-9 jidka Afgooye.

Soohdimihiisuna yihiin sidan hoos ku qoran:

WAQOOYI waxaa ka xiga: waddada Afgooye.

KOONFUR waxaa ka xiga: dhul Dawladeed.

GALBEED waxaa ka xiga: waddo..

BARI waxaa ka xiga: Nadiga Sbortiga ee Gaa-diidka.

Muqdisho, 10 Maars 1980.

Wasiirka Wasaaradda H. Guud

S/Guuto Maxamuud Nuur Galaal

Waan aragney ee Diiwaangelinnay

Diiwaanka lamb. 1 bogga lamb. 8

Muqdisho, 19 Maars 1980

Hantidhawrka Guud KHG

Yuusuf Cali Nuur

XEER W. HAWLAHA GUUD, L. 106 ee 24 Juunyo 1980,
Siismo dhul Dawladeed, la siiyey Taliska Ciidanka
Asluubta Soomaaliyeed — kuna yaal Muqdisho
Degmada Kaaraan — kuna fadhiya mq. 520.000.

WASIIRKA WASAARADDA H. GUUD

Waaxda Sahanka iyo Degaanka Magaaleynta

WASIIRKA

ISAGOO ARKAY: Dastuurka Jamhuuriyadda Di-moqraadiga Soomaaliya;

ISAGOO ARKAY: Sharciyada lamb. yihiin 17, 18, 19 ee 1da Luuliyo 1976, kuna saabsanayeen Xukunka Dalka oo la wareegay Xisbiga Hantiwadaagga Kacaanka Soomaaliyeed;

ISAGOO ARKAY: Xeerka Sharciga dhulka lamb. 41 soona baxay 13kii Sebtember 1973;

ISAGOO ARKAY: Xeer lamb. 6 soona baxday 9 Jennaayo 1967 oo la xiriira qiimaha dhul bixinta;

ISAGOO ARKAY: Warqadda lamb. yahay AST/355/HDH/5/18/80 taariikhdeeuna ahayd 17.4.1980 ee ay soo qortay Taliska Ciidanka Asluubta Soomaaliyeed — Hoggaanka Dhismaha, oo ay weydiisaneyso in la siiyo dhul laga dhiso Xabsi Dhexe;

ISAGOO ARKAY: Warqadda Hubsimada dhulka soo sameeyeen Jeom. Abuukar Maxamed Sheekh iyo Maxamed Maye Xaaji kana tirsan Waaxda Sahanka iyo Degaanka Mag. ee W.H.G. taariikhdeeduna ahayd 20 Abriil 1980;

WUXUU XEERAYAA

Waxaa la caddeynayaa in la siiyey Taliska Ciidanka Asluubta Soomaaliyeed, Hoggaanka Dhismaha, dhul Dawladeed ee cabbirkiisuna yahay mt. 1300 x 400, wuxuuna la mid yahay mq. 520.000, kuna yaal Muqdisho kana siinay Degmada Kaaraan.

— 1119 —

Soohdimihiisuna yihiin sida hoos ku qoran:

WAQOOYI waxaa ka xiga: Waddo.

KOONFUR waxaa ka xiga: Badda.

GALBEED waxaa ka xiga: Dhul Dawladeed.

BARI waxaa ka xiga: Dhul Dawladeed.

Muqdisho, 24 Juunyo 1980.

Wasiirka Wasaaradda H. Guud

S/Guuto Maxamuud Nuur Galaal

Waan Aragnay ee Diiwaangelinnay

Diiwaanka lamb. 1, Bogga lamb. 19

Muqdisho, 7 Luuliyo 1980.

Hantidhawrka Guud KHG

Yuusuf Cali Nuur

XEER W. HAWLAHA GUUD, L. 107 ee 24 Juunyo 1980.

Siismo dhul Dawladeed, la siiyey Xarunta Taliska Ciidanka Asluubka Soomaaliyeed — kuna yaal Muqdisho, Degmada Madiina — kuna fadhiya mq. 156.062,50.

WASIIRKA WASAARADDA H. GUUD

Waaxda Sahanka iyo Degaanka Magaaleyn ta

WASIIRKA

ISAGOO ARKAY: Dastuurka Jamhuuriyadda Dimoqraadiga Soomaaliya;

ISAGOO ARKAY: Sharciyada lamb. yihiin 17, 18, 19 ee 1da Luuliyoo 1976, kuna saabsanayeen Xukunka Dalka oo la wareegay Xisbiga Hantiwadaagga Kacaanka Soomaaliyeed;

ISAGOO ARKAY: Xeerka Sharciga dhulka lamb. 41 soona baxay 13kii Sebtember 1973;

ISAGOO ARKAY: Xeer lamb. 6 soona baxday 9 Jennaayo 1967 oo la xiriira qimaha dhul bixinta;

ISAGOO ARKAY: Warqadda lamb. yahay AST/203/HDH/2/3/80 taariikhdeeduna ahayd 24.5.1980 ee ay soo qortay Taliska Ciidanka Asluubta Soomaaliyeed — Hoggaanka Dhismaha, oo ay ku weydiisaneyso in la siiyo dhul laga dhiso Xarunta Taliskä Ciidanka Asluubta Soomaaliyeed;

ISAGOO ARKAY: Warqadda Hubsimada dhulka soo sameeyeen Jeom. Abuukar Maxamed Sheekh iyo Maxamed Maye Xaaaji kana tirsan Waaxda Sahanka iyo Degaanka Magaaleyn ta, ee W.H.G. taariikhdeeduna ahayd 24/5/1980;

WUXUU XEERAYAA

Waxaa la caddeynaya in la siiyey, Taliska Ciidanka Asluubta Soomaaliyeed — Hoggaanka Dhisma-

ha, dhul Dawladeed ee cabbirkiisu yahay mt. 500; 325; 300; 482; 5 wuxuuna la mid yahay mq. 156.062,50 kuna yaal Muqdisho — Degmada Madiina.

Soohdimihiisuna yihiin sida hoos ku qoran:

WAQOQYI waxaa ka xiga: Waddo.

KOONFUR waxaa ka xiga: Sheybaarka.

GALBEED waxaa ka xiga: Waddo.

BARI waxaa ka xiga: Waddada Afgooye.

Muqdisho, 24 Juunyo 1980.

Wasiirka Wasaaradda H. Guud

S/Guuto Maxamuud Nuur Galaal

Waan Aragnay ee Diiwaangelinay

Diiwaanka lamb. 1, Bogga lamb. 16.

Muqdisho, 7 Luuliyo 1980.

Hantidhawrka Guud KHG

Yuusuf Cali Nuur,

XEER W. HAWLAHA GUUD, L. 108 ee 24 Juunyo 1980.

Siismo dhul Dawladeed, la siiyey Isbitaalka Ciidanka Asluubta Soomaaliyeed — kuna yaal Muqdisho, Degmada Madiina — kuna fadhiya mq. 115.593,50.

WASIIRKA WASAARADDA H. GUUD

Waaxda Sahanka iyo Degaanka Magaaleyn ta

WASIIRKA

ISAGOO ARKAY: Dastuurka Jamhuuriyadda Dimqraadiga Soomaaliya;

ISAGOO ARKAY: Sharciyada lamb. yihin 17, 18, 19 ee 1da Luuliyo 1976, kuna saabsanayeen Xukunka Dalka oo la wareegay Xisbiga Hantiwadaagga Kaacaanka Soomaaliyeed;

ISAGOO ARKAY: Xeerka Sharciga dhulka lamb. 41 soona baxay 13kii Sebtember 1973;

ISAGOO ARKAY: Xeer lamb. 6 soona baxay 9 Jennaayo 1967 oo la xiriira qimaha dhul bixinta;

ISAGOO ARKAY: Warqadda lamb. yahay AST/203/HDH/2/3/80 taariikhdeeduna ahayd 24.5.1980 ee ay soo qortay Taliska Ciidanka Asluubta Soomaaliyeed — Hoggaanka Dhismaha, oo ay ku weydiisaneyso in la siiyo dhul laga dhiso Isbitaalka Ciidanka;

ISAGOO ARKAY: Warqadda Hubsimada dhulka soo sameeyeen Jeom. Abuukar Maxamed Sheekh iyo Maxamed Maye Xaaji kana tirsan Waaxda Sahanka iyo Degaanka Magaaleyn ta ee W.H.G. taariikhdeeduna ahayd 24.5.1980;

WUXUU XEERAYAA

Waxaa la caddeynayaa in la siiyey Taliska Ciidanka Asluubta Soomaaliyeed — Hoggaanka Dhismaha,

dhul Dawladeed ee cabbirkiisu yahay mt. (400 + 275)
x 342,50 wuxuuna la mid yahay mq. 115.593,50 kuna
yaal Muqdisho — Degmada Madiina;

Soohdimihiisuna yihiin sida hoos ku qoran:

WAQOOYI waxaa ka xiga: Waddo.

KOONFUR waxaa ka xiga: Waddo.

GALBEED waxaa ka xiga: Waddo.

BARI waxaa ka xiga: IKFAS.

Muqdisho, 24 Juunyo 1980.

Wasiirka Wasaaradda H. Guud
S/Guuto Maxamuud Nuur Galaal

Waan Aragnay ee Diiwaangelinay

Diiwaanka lamb. 1, Bogga lamb. 17.

Muqdisho, 7 Luuliyoo 1980.

Hantidhawrka Guud KHG

Yuusuf Cali Nuur